



ICELANDIC A1 – HIGHER LEVEL – PAPER 1
ISLANDAIS A1 – NIVEAU SUPÉRIEUR – ÉPREUVE 1
ISLANDÉS A1 – NIVEL SUPERIOR – PRUEBA 1

Monday 19 May 2003 (morning)
Lundi 19 mai 2003 (morning)
Lunes 19 de mayo de 2003 (mañana)

2 hours / 2 heures / 2 horas

INSTRUCTIONS TO CANDIDATES

- Do not open this examination paper until instructed to do so.
- Write a commentary on one passage only.

INSTRUCTIONS DESTINÉES AUX CANDIDATS

- Ne pas ouvrir cette épreuve avant d'y être autorisé.
- Rédiger un commentaire sur un seul des passages.

INSTRUCCIONES PARA LOS ALUMNOS

- No abra esta prueba hasta que se lo autoricen.
- Escriba un comentario sobre un solo fragmento.

Fjallið skriflega um annan af eftirfarandi textum

1. (a)

Vancouver í október.

Elsku Pat.

Einhvern tímann lest þú kannski þetta langa bréf. Mér finnst að það gerist þannig að þú situr við gluggann þinn uppi á fjórðu hæð heima í Paddington og horfir yfir húsþökin á grænkandi trén í Hyde Park. Það er vor og þú leysir krossbandið utan af skókassanum og

5 segir við sjálfa þig: “Þetta er þó skrýtinn bunki af skrifuðum blöðum. Á tungumáli sem ég ekki skil. Áreiðanlega eitthvert uppátaekið í pabba, blessuð sé minning hans. Hann var Íslendingur, og einhvern tímann fyrir löngu hefur hann skrifað mér langt bréf á íslensku sem ég ekki kann. Kannski ég drífi mig nú að læra hana svo ég geti lesið þessi blöð.”

Á því andartaki mætir ákvörðun þín ósk minni.

10 Ósk sem við ölum með okkur hvert og eitt, þó hún blundi misdjúpt, ósk um að skila arfinum til næstu kynslóðar, lifa áfram sem hluti af goðsögn ættstofnsins. Sú saga verður aldrei sögð rétt nema á hans eigin tungumáli.

Mig langar til að þú þekkir þann hluta þinna flóknu róta sem ég er vaxinn af. Mig langar til að þú vitir hvers vegna ég er það sem ég er og þú ert það sem þú verður í þann mund sem

15 þú lest þessar síður.

Daginn áður en ég fór hingað til Kanada komst þú heim úr skólanum og söngst fyrir mig gamlan söng sem frönskukennarinn þinn hafði kennt bekknunum að syngja. Þetta litla atvik verður þér kannski gleymt þegar þú ert komin þar á lífsleiðinni að þú getur lesið það sem hér stendur. En mér verður það ógleymanlegt. Ekki bara fyrir það hvað þú varst falleg lítil 20 stúlka sem komst heim úr skólanum og vildir gefa öðrum hlutdeild í gleði nýrrar reynslu sem góða kennslukonan þín hafði gefið þér. Það var í sjálfu sér nógu fallegt og eftirtektarvert, en hitt hreif mig þó enn meira, að gruna vegferð þessa söngs frá rökkvaðri fortíð mannlegra tilfinninga til vara þinna. Kennarinn þinn sagði þér að þessi söngur ætti rætur að rekja til farandsöngvara miðalda, hann hefði fyrst verið skrifaður á nótur fyrir 25 hundrað árum. Það þótti þér að vonum gamall söngur. En rætur hans eru miklu eldri. Ég þykist vita að þú sjáir fyrir þér farandsöngvara með strengleik. Grannir fingur hans hræra strengi á hljóðfæri sem líkist lútu. Kannski stendur ennisbjört jómfrú álengdar og tekur höndum til hjartans.

En hver kenndi honum að syngja og hræra strengi? Móðir hans? Faðir hans? Og hver 30 kenndi þeim sem kenndi þeim? Og hver kenndi þeim sem kenndi þeim ...

Ég horfði á þig syngja og sá fyrir mér skinnklædda móður við bál með barn á armi sem hún svæfði með orðlausum söng. Ég sá einnig fyrir mér háran þul kveða um harma hetjunnar, heyrði seiðskrattann og völvuna særa dulmögnum náttúrunnar til fundar við sig að ráða furður og feiknustafi ...

35 Sumir kváðu betur en aðrir, söngurinn lagðist í ættir, fylgdi nið eftir nið við ólík kjör. Sönhneigðin, ættarfylgjan gamla, náði áður óþekktum þroska hjá mér, kannski leggur hún sig til hvíldar hjá þér, sefur í nokkrar kynslóðir og bærir svo á sér á ný, kannski heldur hún áfram að vaka í þér. Ég er ekki gæddur hæfileikum umfram formæður mínar og forfeður. Líkt og Móses forðum var þeim leyft að sjá til fyrirheitna landsins án þess að ná þangað. 40 Atvik og aðstæður báru mig alla leið svo til fyrirhafnarlaust. Ég finn fyrir örlögum þeirra eins og byrði, ekki þungri en brothættri.

- Úfnir víkingar sem sigldu í fússi um sollið haf frá blómlegum byggðum forfeðra sinna og settust að á utanverðum jaðri heimsins fluttu hana með sér. Hernumin þy þeirra úr austri og vestri tóku hana með sér. Eigum þeirra var rænt, hús þeirra voru brennd, frelsi snúið í
45 ánauð, en söngheigðina gat enginn frá þeim tekið. Sá knérunnar sem óx af blöndu víkinga og ánauðugs fólks geymdi hana með sér í þúsund ár, hún lifði af landnám og blóðhefndir, kristnitöku, svartadauða, siðaskipti, móðuharðindi, hún lifði af norskt konungsvald og dansk, heimskreppu, heimsstyrjaldir, kollsteypu byggðarinna, hvarf síldarinnar, þorskastríðin, uppgangsárin ...
- 50 Nafnið þitt, Patricia, það minnir á forna ætt og föðurland. Laboremus pro patria, sögðu Rómverjarnir þegar þeir drýgðu einhverja dáð fyrir föðurlandið. Föðurland þitt er Ísland, en ég er samt ekki að skrifa þetta pro patria, ég skrifa það pro Patricia, svo þú týnir ekki uppruna þínum í þjóðahafið, svo þú vitir af ættarfylgjanni gömlu, að þú skiljir að franski söngurinn sem þú lærðir í skólanum er dýrgripur sem kynslóðirnar hafa mótað úr efni sem
55 guðirnir gáfu mannkyni í árdaga.

Böðvar Guðmundsson, *Híbýli vindanna* (1993)

1. (b)

Af veðrum

- Þú leggur hnífsegg nessins við
mótsprynu öldunnar og mælir ferð
hennar löngu eftir vindinn, enn er
allt vindlitur horfinn vindur þó
- 5 að litirnir séu að jafna sig rauft
 fyrst síðan blátt á þökum, litur í
 svefnrofum, grænt er ennþá grátt; enn
 heyrðu ávæning vindsins í orðum
 eins og hvað?
- 10 10 fyrir augað undan
 auganu halda skýin austan vestur
 og togna norður, án föruneytis við sól sem
 enn stendur kyrr í austri í viðmiðunar-
 leysi augans yfir deplóttum brúnum,
- 15 15 þær renna ekki sundur enn, en nýir vindar
 taka að rísa upp af steinþöglu landi
 því að breytingin er jafn alsveigjanleg
 og tómið sjálft, tákni hennar
 mjúk eins og regn, vindur sky eða
- 20 20 langur skugginn sem breiðist hægt og
 hægt norður af Henglinum yfir kaldar
 eggjar morgunloftsins; undir kvöld bráðna
 eggjar ness og tanga í sólsetrinu.

Kristján Karlsson, *Kvæði* (1992)
